

Consul de ces Marchands, seroit receu: Tellement que par ce moyen le commerce desdits Anglois s'est r'établi en ce lieu là.

Mais, les dernières Lettres de Bilbao, venues en la mesme ville de Londres, donnoyent avis que la crainte que ces Marchands en Espagne y avoyent eüe s'augmentoit à tel point, qu'ils s'attendoient de jour à autre à quelque grand changement: & que le sujet de leur appréhension estoit que ledit Général Blaëk estant allé à la rade de Cadis, n'ayant pas tesmoigné les mesmes sentimens envers les Espagnols que par le passé, il leur avoit donné beaucoup de jalousie, & fait croire mesme qu'il n'estoit venu là que pour épier & surprendre la flote d'argent: d'autant plus que le sieur Ian Wilson, Agent d'Angleterre en ces quartiers là, s'estoit secrètement retiré à bord de la flote de ce Général: En sorte que toute l'Andalousie avoit pris les armes, & ordre esté donné d'équiper promptement trente navires de guerre pour tascher à défendre cette flote d'argent.

*A Paris, du Bureau d'Adresse, aux Galleries du Louvre,
devant la rue S. Thomas, le 13 Aoust 1655.*

Avec Privilége.